

Durante torneo di Himno y Bandera

RCA ta honra tres di su gran hungadornan di pasado



SOLITO- Durante di e torneo di Himno y Bandera cu SV RCA a organiza como parti di su celebracion di 70 aña di existencia, directiva a honra tres di su grandinan di pasado, esta sr. Joonchi Orman, sr Ficky Caster y tambe sr. Juchi Jansen.

Leoncio Orman "Joonchi": Den aña 1945 padilanti Leoncio twt milita den 'S.V. Hollandia'JR. Debi cu e hungadornan a overyear y nos como junior no por a bai Hoofdklas, dus asina 'Hollandia' a bin kibra. E ora ey Leoncio a dicidi pa bai hunga pa Aruba JR cu nan junioren D.V.O. Esey ta significa "Duivels van Oranjestad" Leoncio a hunga basta aña pa nan y wordo promovi pa B klas y nan nomber a cambia pa "Atomic".

Atomic tabata un team hopi fuerte pero nos no tabata haya cooperacion di bestuur, niun hungador di "Atomic" a haya chens pa hunga den division di Honor. Asina ta "Atomic" a cuminsa frustra, hungadornan a cuminsa sali for di Aruba Jrs.

Tin cu a bai hunga pa otro team, tin cu a stop di hunga bala. Asina Aruba Jrs a keda cai y te cu awe el a keda abou. Despues cu un oferta di

"Gabriel Kelly" pa mi join R.C.A. mi a tume man habri y tur e muchanan di RCA a keda contento. Asina ta cu mi a milita den RCA desde 1956 y contento cu ainda mi ta RCA y pa bida.

Ficky Caster: Ficky Caster naci 20 di October 1935 a cuminsa hunga na edad di 14 aña pa RCA Junior. Despues di yega edad stipula a pasa pa Hoofdklas y mas despues pa Inter. Durante su aña nan como futbolista ela



hunga como keeper di RCA tanto aki na Aruba como exterior. Paisnan cu el a sa di bishita pa hunga futbol ta entre otro Surnam, Corsow, Bonaire sigur sin laga afo caminda cu nan a coi sub-campeon Cuba. Tambe el a sa di haya e nomber di "vliegende Hollander" for di Jos v/d Schoot di Amigoe di Aruba.

Juchi Jansen: Juchi Jansen a cuminsa practica futbaol na edad joven den e team junior di RCA. Despues a pasa pa forma parti di e team Arsenal 1946. Na aña 1950 Juchi a pasa pa e equipo mayor di RCA.

Juchi a hunga den exterior, entre otro na Corsow, Haiti ,Guatemala, Guyana, Surnam, Colombia y Venezuela. Juchi a forma parti tambe di seleccion di Aruba y a representa Aruba na varios pais, entre otro Honduras, Costa Rica y Surnam.

Na Aruba, Juchi a hunga pa seleccion di Aruba cu a inaugura Wilhelmina Stadion. Di cual toernooi Aruba a bira campeon. For di aña 1953 te cu anja 1960, juchi a forma parti den e seleccion antilliano den campeonato nan di C.A.C. Na aña 1960, Juchi a wordo elegi "Sportman di Anja. Na aña 1969/70 Juchi a stop di hunga futbol den division di Honor y bira entrenador di R.C.A. pa aña 1970/71

